



Arkivnr: 2014/22562-1

Saksbehandlar: Monica Håkonsli

Saksframlegg

Saksgang

| Utval | Saknr. | Møtedato |
|-----------------------------|--------|------------|
| Yrkessopplæringsnemnda | | 04.11.2014 |
| Opplærings- og helseutvalet | | 11.11.2014 |
| Fylkesutvalet | | 19.11.2014 |

Plan for kompetanseutvikling 2012-2015, tiltak 2015.

Samandrag

Plan for kompetanseutvikling for 2012-2015 viser strategi og tiltak som skal medverke til langsiktig og planmessig utvikling av kompetanse for skuleleiarar, undervisningspersonale, andre tilsette og sentrale aktørar i fag- og yrkesopplæringa. Strategiperioden går frå 2012 til 2015, men planen har blitt rullert årleg. Tiltaka i denne rulleringa tek utgangspunkt i strategien som ligg for perioden. Dei fem utviklings- og tiltaksområda er leiing, gjennomføring, vurdering, digital kompetanse og IKT i opplæringa. Tiltaka blir finansiert av statlege og fylkeskommunale midlar. Rulleringa er utarbeidd i samarbeid med organisasjonane og har vore handsama på informasjons- og drøftingsmøte.

Forslag til innstilling

Fylkesutvalet sluttar seg til fylkesrådmannen sine prioriteringar i rullert Plan for kompetanseutvikling 2012-2015.

Rune Haugsdal
fylkesrådmann

Svein Heggheim
fylkessjef opplæring

Saksframlegget er godkjent elektronisk og har derfor ingen underskrift.

Vedlegg

1 Plan for kompetanseutvikling 2012-2015, tiltak 2015.

Fylkesrådmannen, 23.10.2014

PLAN FOR KOMPETANSEUTVIKLING 2012-2015. TILTAK 2015

Planen er i tråd med felles nasjonal strategi (Kompetanse for kvalitet) ved KS, lærarorganisasjonane, universiteta og statlege utdanningsmyndigheter. Planen er forankra i fylkeskommunale føringar, mellom anna i tidlegare vedtekne planar og strategiar, og har vore handsama i drøftingsmøte med organisasjonane.

Utviklings- og tiltaksområde 2012 – 2015 omfattar:

- Leing
- Gjennomføring
- Vurdering
- Digital kompetanse og IKT i opplæringa
- Andre tilsette – støttesystem

Tiltak for 2015

Det vil også i 2015 bli sett i verk skulebasert etterutdanning i samarbeid med Høgskolen i Bergen ved fire vidaregåande skular i HFK. Målet er å gi lærarane konkrete tilnærmingar som kan bidra til å styrke elevane sine grunnleggjande ferdigheter i lesing og skriving. Eit tilsvarannde etterutdanningsopplegg vil bli sett i verk for 25 lærarar frå fem skular for å auke kompetansen når det gjeld undervisning av minoritetsspråklege. Satsinga på skulebaserte læringsprosjekt for å utvikle ny praksis innanfor dei pedagogiske tiltaksområda vurdering og pedagogisk bruk av IKT vil halde fram og styrkast i 2014.

Når det gjeld vidareutdanningstilbodet til lærarar, er det i tiltaksplanen for 2015 føreslått å sette av meir midlar enn det har vore gjort tidlegare år. Det er om lag 50 lærarar som får tilbod om vidareutdanning som ein del av den nasjonale satsinga Kompetanse for kvalitet. Yrkesfag, språkfag og realfag vil bli prioriterte, og det vil bli teke omsyn til skular i distrikta som treng breiare kompetanse for å sikre eit godt fagtilbod. Det er også tilbod om vidareutdanning innan tilpassa opplæring og spesialpedagogikk og rådgjeving, der skuleigar dekkjer studieavgifta. For skuleleiarane vil det framleis vera deltakinga i det nasjonale rektorutdanningsprogrammet utgjer den viktigaste satsinga. Det er også sett av midlar til anna vidareutdanning innanfor leiing.

Finansiering.

| Kostnader | Kroner |
|--------------------------------|-------------------|
| Lærarar | 23 467 500 |
| Andre tilsette og støttesystem | 920 000 |
| Fag- og yrkesopplæringa | 1 800 000 |
| SUM | 26 187 500 |

| Finansiering | Kroner |
|---------------------------|-------------------|
| Statlege midlar | 12 732 500 |
| Eigenbetaling frå skulane | 1 550 000 |
| HFK-midlar | 11 905 000 |
| SUM | 26 187 500 |

Midlane dekkjer aktivitetar for heile 2015. Det er ikkje rekna med eigeninnsats i form av faste stillingar ved opplæringsavdelinga og skulane. Heller ikkje skulane sine vikarutgifter i samband med lærarane si etterutdanning er rekna med. Desse ressursane er betydelege.

Finansieringa av vidareutdanninga gjennom *Kompetanse for kvalitet* blei endra i 2014. Den største endringa i den reviderte strategien er at staten betaler ein større del av lærarane sitt frikjøp. Finansieringa er ei spleising mellom stat, skuleeigar og den enkelte lærar. Fordelinga er 60 % stat, 15 % skuleeigar og 25 % for lærarar i form av bruk av eiga tid. For vidareutdanning innan matematikk og naturfag er fordelinga slik: 75 % stat og 25 % for lærarar. I 2014 vert det også etablert ei stipendordning, der lærerane kan søkje om å få 100 000 kr. for å ta 30 studiepoeng i prioriterte fag, spesielt matematikk. Skuleeigar må dekkje utgifter i samband med reise, opphold og læremiddel for lærarar som tek vidareutdanning gjennom den nasjonale strategien.

Frå statsbudsjettet blir det løyvd midlar til etter- og vidareutdanning i grunnopplæringa. Fylkesmannen i Hordaland vil få tildelt midlar til etter- og vidareutdanning innan prioriterte område. Desse midlane blir fordelt til skuleeigar på bakgrunn av søknad. HFK søker om midlar via fylkesmannen til prioriterte område i tråd med vedlagt plan for kompetanseutvikling. Søknadene er ikkje ferdig handsama før 1. juni, og finansiering og aktivitet må justerast om HFK får mindre enn forventa.